
Reglament per la musica da cadettas e da cadets da la scola chantunala

dals 02-09-1974 (versiun dals 01-09-2005)

relaschè da la regenza ils 2 da settember 1974

Art. 1 Intent

¹ A la scola chantunala exista ina musica instrumentala inclusiv ina grupp da tamburas e da tamburs (musica da cadettas e da cadets) che sa cumpona da scolaras e da scolars da la scola. *

² Sia finamira è la tgira da la musica instrumentala. *

Art. 2 * ...

Art. 3 Direcziun

¹ La musica da cadettas e da cadets vegn dirigida d'ina persuna d'instrucziun da musica da la scola chantunala. Quella vegn designada dal rector en consentiment cun la cumissiun da rectorat. *

² L'incumbensa da la manadra u dal manader è la tgira musicala sco er la direcziun organisatorica ed administrativa dal corp da musica.

Art. 4 Manadras u manaders auxiliars

¹ Il rector po designar in'ulteriura persuna d'instrucziun da musica sco manadra auxiliara. Da las commembras adattadas e dals commembers adattads dal corp po la manadra u il manader nominar ultra da quai ina u duas manadras auxiliaras respectivamain in u dus manaders auxiliars. *

² A scolaras u a scolars che impundan bler temp e lavur sco manadras auxiliaras respectivamain sco manaders auxiliars po vegnir pajada ina indemnisaziun adequata, da la quala il rector fixescha la summa. *

* tabellas da las modificaziuns a la fin dal relasch

³ Per la scolaziun da las tamburas e dals tamburs po vegnir consultada ina forza qualifitgada d'ordaifer la scola chantunala. Ina da las manadras auxiliaras respectivamain in dals manaders auxiliars vegn designà (tut tenor l'appreziar da la manadra u dal manader) sco dirigenta respectivamain sco dirigent tar las represchentaziuns da la musica da cadettas e da cadets.

Art. 5 Inventari

¹ L'entir inventari d'instruments, da material da notas e d'unifurmas è proprietad dal chantun. Quel finanziescha da princip las acquisiziuns novas necessarias, la revisiun annuala dals instruments ed il nettegiament da las unifurmas.

Art. 6 * Frequentaziun da las provas e represchentaziuns

¹ La frequentaziun da las provas e da las occurrenz da la musica è obligatorica.

Art. 7 Obligaziuns da las commembras e dals commembers, objects d'emprest

¹ Il cumenzament da l'onn da scola survegn mintga commembra e mintga commember da la musica da cadettas e da cadets d'emprest – en cas da basegn – in instrument ed in'unifurma. La scolara u il scolar quittescha quella retschavida visavi la manadra u visavi il manader, conferma il stadi irreproschabel dals objects d'emprest e s'oblighescha da tgirar e da tegnair en salv quels cun quità.

² Sch'i dat donns vi dals objects d'emprest pervia d'in tractament senza quità u negligent che chaschuna custs, ston quels vegnir purtads da la scolara u dal scolar.

³ Tgi che na restituescha betg ses objects d'emprest la fin da l'onn da scola, sto star bun per lur valor d'acquisiziun. Er il material da notas sto vegnir tractà cun quità.

Art. 8 * Cumissiun da musica

¹ La cumissiun da rectorat nominescha ina cumissiun da musica. Quella consista da la manadra u dal manader da la musica da cadettas e da cadets, d'ina commembra u d'in commember da la cumissiun da rectorat e d'ina ulteriura commembra u d'in ulteriur commember. La cumissiun vegn presidiada da la commembra u dal commember da la cumissiun da rectorat.

Art. 9 Incumbensas da la cumissiun da musica

¹ Il cumenzament da l'onn da scola tracta ed approvescha la cumissiun da musica il program musical e fixescha las represchentaziuns publicas en consentiment cun la cumissiun da rectorat. *

² Plinavant tracta ella il basegn da finanzas da la musica da cadettas e da cadets e fa la dumonda per il preventiv a la cumissiun da rectorat. *

³ Tar las incumbensas da la cumissiun da musica tutga plinavant d'elavurar ils plans per l'ulteriur svilup dal corp, spezialmain per in plan d'instrumentaziun.

Art. 10 Incumbensas da la manadra u dal manader

¹ La manadra u il manader piglia da sasez las iniziativas necessarias per in'actividad da concert viva ed attractiva. *

² La manadra u il manader è responsabel per l'inventari dal corp da musica. *

³ ... *

Art. 11 Entrada en vigur

¹ Quest reglament entra en vigur il 1. da settember 1974.

Tabella da las modificaziuns - tenor conclus

Conclus	Entrada en vigor	Element	Modificaziun	Publicaziun en la CUL
02-09-1974	01-09-1974	relasch	emprima versiun	-
27-10-1998	01-12-1998	Art. 1 al. 2	midada	-
27-10-1998	01-12-1998	Art. 2	aboliziun	-
27-10-1998	01-12-1998	Art. 6	revisiun totala	-
27-10-1998	01-12-1998	Art. 10 al. 1	midada	-
27-10-1998	01-12-1998	Art. 10 al. 2	midada	-
27-10-1998	01-12-1998	Art. 10 al. 3	aboliziun	-
23-08-2005	01-09-2005	Art. 1 al. 1	midada	2005, 2725
23-08-2005	01-09-2005	Art. 3 al. 1	midada	2005, 2725
23-08-2005	01-09-2005	Art. 4 al. 1	midada	2005, 2725
23-08-2005	01-09-2005	Art. 4 al. 2	midada	2005, 2725
23-08-2005	01-09-2005	Art. 8	revisiun totala	2005, 2725
23-08-2005	01-09-2005	Art. 9 al. 1	midada	2005, 2725
23-08-2005	01-09-2005	Art. 9 al. 2	midada	2005, 2725

Tabella da las modificaziuns - tenor element

Element	Conclus	Entrada en vigor	Modificaziun	Publicaziun en la CUL
relasch	02-09-1974	01-09-1974	emprima versiun	-
Art. 1 al. 1	23-08-2005	01-09-2005	midada	2005, 2725
Art. 1 al. 2	27-10-1998	01-12-1998	midada	-
Art. 2	27-10-1998	01-12-1998	aboliziun	-
Art. 3 al. 1	23-08-2005	01-09-2005	midada	2005, 2725
Art. 4 al. 1	23-08-2005	01-09-2005	midada	2005, 2725
Art. 4 al. 2	23-08-2005	01-09-2005	midada	2005, 2725
Art. 6	27-10-1998	01-12-1998	revisiun totala	-
Art. 8	23-08-2005	01-09-2005	revisiun totala	2005, 2725
Art. 9 al. 1	23-08-2005	01-09-2005	midada	2005, 2725
Art. 9 al. 2	23-08-2005	01-09-2005	midada	2005, 2725
Art. 10 al. 1	27-10-1998	01-12-1998	midada	-
Art. 10 al. 2	27-10-1998	01-12-1998	midada	-
Art. 10 al. 3	27-10-1998	01-12-1998	aboliziun	-